


| Tertib Surah | Nama Surah | Bilangan Ayat | Bilangan Ruku' | Makkiyyah / Madaniyyah | Tertib Turun | Bilangan Paragraf |
|--------------|------------|---------------|----------------|------------------------|--------------|-------------------|
| Ke-91 | As-Syams | 15 | 1 | Makkiyyah | Ke-26 | 3 |



sZaman Diturunkan

Surah as-Syams diturunkan di akhir peringkat ketiga kehidupan Rasulullah s.a.w. selepas da'wah secara terbuka dilancarkan. Ia diturunkan di zaman yang penentangan daripada pihak orang-orang kafir Quraisy begitu memuncak, sikap pemimpin-pemimpin Quraisy sudah jadi seperti kaum Tsamud yang ganas dan kejam, mereka diancam dengan azab yang telah menimpa kaum Tsamud.

Perkaitan Surah As-Syams Dengan Surah Sebelum Dan Selepasnya

1. Di dalam Surah al-Balad sebelum ini, kebebasan memilih yang diberikan kepada manusia disebutkan dengan lafaz النَّجْدَيْنِ, di dalam Surah as-Syams ini pula ia dinyatakan melalui firman Allah.

فَأَلْهَمَهَا فُجُورَهَا وَتَقْوَاهَا ۝

8. Serta mengilhamkannya (untuk mengenal) jalan yang membawanya kepada kejahatan, dan yang membawanya kepada bertaqwa

2. Di dalam Surah al-Lail selepas ini pula perkara yang sama disebutkan dengan perkataan yang lain, ia dikemukakan melalui firmanNya.

إِنَّ سَعْيَكُمْ لَشَتَّىٰ ۝

4. Sesungguhnya amal usaha kamu adalah berbagai-bagai keadaannya.

3. Di dalam surah ini, perkataan أَشَقَىٰ telah digunakan untuk seorang pemimpin yang kejam dari kalangan kaum Tsamud, di dalam Surah al-Lail selepas ini pula manusia أَشَقَىٰ diancam dengan azab neraka.

Beberapa Kata Kunci Dan Tema Utama Surah

1. Di dalam surah ini dibuat perbandingan di antara تَقْوَىٰ dan طُغْوَىٰ, kefasiqan dan kejahatan dibandingkan dengan tazkiah.

2. Sebagaimana kemampuan untuk melakukan dosa ada di dalam jiwa manusia, kemampuan untuk mengelak diri daripada dosa-dosa juga ada di dalamnya.